

天目中峯和尚廣錄卷第十四

參學門人北庭臣僧慈寂 上進

別傳覺心

惟圓而覺惟覺而圓非覺無以大其圓非圓無以滿其覺覺不知覺而覺徧自佗圓不見圓而圓周彼此謂圓也太虛不足方其形謂

覺也靈鑑何能盡其用五嶽止千山之勢圓斯圓乎四溟吞萬派之聲覺斯覺矣佛祖之安宅聖賢之要路塵沙衆生之所戴十二開士之所宗實萬世之指南三界之元龜也

曼殊首提本起因地之間至尊特彰圓照淨覺之名指四大標六塵擣碎無明窠窟喻空

花方二月滌除生死根塵印迷悟之本虛斥有無而俱遣不存一法於不存處豈礙成褫靡隔一毫向靡隔邊何妨剗削是謂圓常要旨格外真規苟非神悟於機先豈許滯情於語下偈曰

首問如來本起因 擬相酬處喪天真

標圓已陷無明穿 謂覺難逃有漏塵

出匣太阿那敢觸 當臺古鏡若爲親
未能言外超方便 盡是華胥夢裏人

空裏月輪奚假乘三榜撲木中火燄豈憑逐一推排焦尾巴石虎雄踞雪林無鼻孔鐵牛穩眠露地普賢昧諸幻元生覺海世尊謂真

覺猶是幻源離其所離幻上何妨立幻遣其所遣空中更不容空捨方便不滯證脩引妄想全歸解脫指石爲玉點鐵成金無梯航處設梯航非漸次中言漸次偈曰

白牯猩奴咸具足 那知具足處難憑
千般幻妄元依覺 萬種修持總滯能

石虎空中吞皓月 波斯夜半嚼寒冰
遣情離謂離還遣 物物全彰最上乘
十方世界即摩尼珠法法依之而影現大千利土是寶絲網物物仗此而光騰大火聚裏不許藏身塗毒鼓邊豈容側耳普眼向無方便中曲伸請問鴛鴦帳裏春正濃世尊於絕

思惟處俯徇來機歌管叢中酒方勸捏聚則
地水火風鐵山岌岌放開則見聞知覺玉海
沉沉枕邊之槐國夢回室內之蘭膏燄炯應
時圓淨敲鑼擂鼓共演真常當處等平打戶
槌門併歸圓覺彈指頃孰脩孰證舉世間誰
悟誰迷苟非象外廓明翻作門前之繞偈曰

十二

無邊利海虛明鏡 積劫埋塵光未虧
肯把幻緣滋幻影 誰將真智起真規
徒誇萬里還家日 謾說千燈照室時
安有住持圓覺者 教人容易作思惟
因疑致問離匣之寶劍爲斬不平引答破疑
出鼎之靈丹欲瘳既病覺體元非作用詰頭
不許承當剛藏隨在鑑之金曲伸三惑瞿曥
示過雲之月遠闢羣迷始終生滅豈復現前
聚散有無不成安住獨瞎金剛正眼何處覓
生死垢心掀翻自己家珍孰肯認涅槃淨性
燒須彌雅宜螢火束虛空慣用龜毛日麗星
明成佛不成佛難逃法執風馳電激圓覺未

圓覺俱墮魔垣苟非撒手懸崖一任開眼談
夢偈曰

罔知覺性離生滅 繼悟無生覺未圓
花亂長空三惑起 浪翻平地五宗傳
鑑中金出功猶在 月外雲行見政纏
何似橫身聲色裏 從來千聖不同廊

欲網重重金剛劖不待揮而自裂愛河渺渺
菩提岸奚假涉而已登夢中之四聖非真鏡
裏之六凡何有輪回根本吐吞彌勒口門貪
欲因緣含墨如來心地生而無生知胎濕化
相而非相明暗色空迷即悟悟即迷一道齊
平五性俱遣事即理理即事兩頭坐斷二障

十三

全消三世諸佛同參一切衆生皆證超方便
住圓覺止啼黃葉何多成佛果斷輪回翳眼
空花不少會須是一生了辦更莫教萬劫沉
淪惟務肯心不勞佇思偈曰

輪回幾種問來端 至理如何可自瞞
一點愛源常滴瀝 萬尋欲海政瀰漫

徒將二障論深淺 杠對羣迷說易難
圓滿覺心皆已證 摩思量處不相干
長空皓月伶俐漢何待 指標滿覺真心大丈
夫豈由言顯言外承當早成途轍機前負荷
已涉廉纖不許執著妄情不許深求悟理不
許依憑功用不許允蹈無爲清淨慧諮詢地

位階差路遙知馬力老瞿曇花分能所照覺
歲久見人心真不自覺覺不真眼非自見見
非眼凡夫覺聲聞覺無文鐵印向空拋祖師
禪如來禪折角泥牛連夜吼地獄天堂打成
一片菩提煩惱坐斷兩頭白雲自占青山明
月誰分流水苟非親到故家田地更聽幻人

重說偈言

中不容佗清淨慧 階差地位叩瞿曇
月行空界憑虛指 花燦心田貴實參
息妄固知非正覺 尋言安得是司南
未曾跨過黃金限 且向門前宿草菴
即一而三濕紙裹金毛 師子惟三而一單絲

控玉角麒麟大千界不受纖塵十萬里那闡
寸步威德巧於設問四門之城堞面面俱開
世尊曲爲指陳一道之覺源塵塵涉入即空
即假即中而易分雪裏粉惟靜惟幻惟寂而
難辨墨中煤須如是人明這箇事鏡裏像昭
昭不隱切忌眼花器中鍾浩浩無虧休將耳

聽穀收則苗土俱棄功成則境觀齊捐欲知
圓攝所歸之方更舉直捷根源之偈

有幾種修威德問 未能直捷世尊酬
三重妙觀爐中雪 萬種奇功水上漚
夜氣冷沉深雪谷 曙光遙映白雲樓
無人爲向靈山道 那事如何著意求

十四

翻頭作尾連環釣鎖而二十五重抵掌論心
直指單傳而千七百箇水入水時全無差別
空投空處煞有聲訛辨音躡威德之前蹤肯
信龍門無宿客如來列次第而酬答那知少
室有斯人即三觀離三觀玉轉珠回以一重
去一重神出鬼沒前空後假斷送渾家落火

坑齊寂兼中擴設鑑牛眠死水一種是門前
之繞萬般皆心外馳求擬登正覺之場更聽
重宣以偈

單復圓修啓辨音 沉沉覺海政淵深
諸論指體還迷體 三觀惟心又覓心
訖月靈犀蟲禦木 求珠罔象芥投鑑

寄言并法不隨者 難免空花翳幻林

圓湛深淵溫花影裏千尋浪湧軒昂大宅叫
呼聲外八面火然悟迷不越見生縛脫皆由
已造一箇我絲續不斷宜乎淨業諮詢四種
相潛伏難知獨許世尊揭露遣神兵戰空魔
壘驅智將搜破賊機使迷悶不入者蹈廓達
之通衢於增益諸病時飲必瘳之靈劑擬作
將來眼目難忘現在我人湯與水濕性儼存
何處著寶蓮香之欲火愛與憎知覺元在豈
應容演若多之狂風難思客路千差終詣祖
庭一實這箇說話大似釤椿搖櫓驚劄相逢
那裏泊在偈曰

覺心迷悟若爲通 淨業那能奪至功
能所頓消何相違 妾真俱盡豈情融
無空作境空猶在 有我談玄我未窮

向古鏡邊閑照影 山重重又水重重
善知識是塗毒鼓耳其聲者死不移時善知
識是太阿鋒觸其鎌者喪不旋踵一味生擒

活捉百般大用全提普覺問依何等人移花
兼蝶至世尊答遠離諸病買石得雲饒且做
成作正任滅四種膏肓揔不出憎愛是非一
般病痛以毒攻毒須還老耆婆肘後神方用
醫奪醫不許水潦鶴口邊訛說甘草苦黃連
甜果符斯語砒霜良甘露惡頗有其端與其

同事處換人眼睛奚止搏財妻子別行異路
時不存孰則何妨戲笑譏訶攬不渾考澄不
清近不憣考遠不怨丈夫步驟知識執儀且
不犯風規如何通信偈曰

欲開知識門前路 普覺興慈意獨新
狎近不憣離不怨 偏邪惟敬正惟親

通身是病通身藥
偏界全真偏界塵
話到搏財妻子處
古今疑殺幾多人
百廿日畫地爲牢路
從平處險二千年閉門
作活人向靜中忙操心
降鏡裏之魔開眼做
夢中之佛圓覺設
最後之間窮猿投林世尊
垂極理之談畫蛇添足長中下
三期多處添

少處減正像未三法前何重後何輕合眼跳
黃河且不許停機佇思赤身挨白刃又那容
顧險防危一條窮性命東擲西拋萬丈冷門
庭橫開豎關安居平等性智達嵩陝府鐵
牛懺悔夙昔罪根濕紙裹嘉州大像更聽祇
遠贊微猷

難窺雲林泉石直指單傳了事衲僧罔測三
毒八倒全該真體十身四智靡隔妄緣一圓
一切圓何待水銀墮地一覺一切覺豈容古
鏡當臺語言文字一點難容機智識情萬般
虛設便與麼領荷已成途轍不於斯脫略更
聽偈言

道場加行設威儀
圓覺當機立問時
打水杖痕人共覓
釤空槌跡我全知
三期政不分長短
一法何須論順違
話到安居平等處
老婆心特爲誰癡
五種經名穿透百千諸佛耳孔一條覺路截
斷十二開士腳頭賢善首曲爲流通尼藍婆

文殊普賢二章旨趣直捷自餘皆曲徇
機宜巧施方便殊未有衲僧氣象於是
每一章用禪四六提其綱要復申以偈
固不敢效真歇和尚之作與宗門共之
聊復自警耳乃標其名曰別傳覺心且
即文字離文字置之勿論如大圓覺心

果有別傳之旨乎長鯨一吸海水盡森
森露出珊瑚枝

卷

十卷

天目中峯和尚廣錄卷第十四

六百卷金剛經乃其一也議者於六百卷
之綱目以融通淘汰四字攝之蓋如來嘗
於第二時在鹿苑轉四諦法輪證諸小乘
入有餘涅槃以未稱本懷由是第三時繼
摩彈斥使其耻小慕大然後廣說般若一
味談空專爲小乘人融其所執通其所滯

淘之汰之如滌穢器使之清淨然後以上
乘圓頓甘露之味注之但金剛經局於文
約幾不能以句讀義意深邃寄之六百卷
間於中或有不能通處正不必致疑但存
一念深信之心信之不已久當自解今利
根之士不待功深力久必欲一時意會每

天目中峯和尚廣錄卷第十五

參學門人北庭臣僧慈寂

上進

金剛般若略義

延祐丙辰秋七月翰林承 旨趙公日京

師遣言來問金剛般若大意遂述略義併
答其書略曰聞如來於第四時說般若經

以胷臆之見穿鑿之一涉此途則般若大
義不復契會於自心矣茲直述經旨題曰
金剛般若略義望取而究之或究之不盡
餘惑未泮只消提箇所叅詰自看不必於
此文字中致疑一朝看破話頭則六百卷
之雄文皆吾胷中舊物也略義云乎哉